

Z cyklu: Òdjimczy słowã – 36 (Jasnobrunienim jes kawë)

Jasnobrunienim jes kawë
Jesénno-zëmòwô prawie
Za czim jest sadfô na płoce?
Mia słupskò strach zëbù nocë?

Zagòra jes na kradélcu?
Wëczapôt chto Cã òd zélcu?
A mòże mëslë spragnionô
Jes zwiorna z blond ùfarwiony?

Mòże napisót pismiono
Jaczi mądralińszci z brodą,
Co achtnąc je nót czòpùchnã
Bò w związk sã zrzeszałë ruchna....

Abò sã wkrąg wiérny lëdze
Doznelë ò z mùcã cëdze
Chòroscë niesą w pielgrzimekach
Mùca pòmògò përzinkã...

Wierã sã nagòlił Tóna
Namaklôt pò cemkù bómã
Mëszlącë, że je ju doma -
Płotowi wsadzył na głowã...

Òb noc to sprawiło, nicht sã
Ò nick nie pitôt, kòmisja
Zebrała sã flot z pòrénkã
A zabra za sprawã żimką...

Sedzą tam pewno do dzysô
Jeden sã z drëdzim namiszlô:
Skądka je mùca na płoce...
Mòże to Të chcôt co spsocëc?

Tómk Fópka, Kòlano, 11 smùtana 2021 rokù, gòdz. 10.32 p.p.